

Towařšnosć: W Hućinje je wojeřske towařstwo, kiž ma ca. 30 sobust. a to $\frac{2}{3}$ Serbow; serbski so we nim hdy što praji. — Sobustawow serbsk. ev.-luth. knih. towařstwa je we wosadze 32; Miss. Póslow čita so 27.

Drasta a wašnjaja: We „šwejachach“ a „płachéičkach“, kajkež hišće džensa w susodnej Klětnjanskej wosadze widžiš, su hišće před 50 lětami Hućinjanske žony khodžile; wot serbskeje drasty staj jenož wostałoj „Křidłata khapa“ a „kožuch“, kotrajž so hišće wot kmótrow a staršich žonow při spowědži a swjedženškich składnosćach druhdy, hdyž tež hižo porědko, noša. — Žaruja žónske hišće w bělych „bindkach“. — Prazy su nimale cyle zašle. — Na póstnych njedželach a jutrowničku so wjacj njespěwa.

Swójbne mjena: Boša (Basche) 3, Běly (Biele), Běmař, Bětnař (Büttner), Čěsla (přen. Zimmermann), Homola (skeps. n. Hummel) 2, Herc (n. Herz = Musikant), Hejduša (přen. Grützner), Kralik (n. Krahl), Kobanja (Koban) 3, Kolik (Kalich), Kujawa (Kujan), Kótwica 2, Kudžela (Kuschel) 2, Khěžnik, Matyjk, Měto 3, Mjeřwa 3, Pětko (Pietke) 2, Pjetřka, Petawa (Petau), Rjuz (Rose), Rězak (Röseck), Sykora (Sickert), Šěman, Šewc (Schuster) 4, Wótko (n. Wattke), Wićaz 2, Wojnař, Worjeh (Warech), Žid (Schied) 2, Zymny (Simm).

Ležownostne mjena: pola: Sćěna, sćěnowske pola, šurbany abo šěrbany, srěńca, šibjeńca, Klinik hora. Keřki w Brězynje: Rudele a Homolki; džěl wsy Hliny: Kopalina.

X. (24.) Husčanska wosada.

Wsy: 1) Huska (Gaussig), 2) Mała Huska (Kleingaussig), 3) Brězynka (Brösang), 4) Kosarń abo Kosernja (Cossern*), 5) Družkecy (Drauschkowitz), 6) Hunćericy (Günthersdorf*), 7) Holca (Golenz), 8) Kočica (Katschwitz), 9) Nowa Kočica (Neukatschwitz), 10) Mjedzójěz (tež Mjedzójz, Mjedzowz, Mjedzwež, n. Medewitz), 11) Nowa Wjes (Naundorf*), 12) Póžeřski młyn (Puschermühle), 13) Cokow (Zockau*), 14) Demjany (Diehmen), 15) Nowe Demjany (Neudiehmen) z Póstowej Korěmu (Postschenke*), 16) Drječin (Dretschen*), 17) Warnoćicy (abo Warnoćicy) (Arnsdorf*) z Nowymi Warnoćicami (Neu-Arnsdorf*), 18) Hnašecy (Gnaschwitz*), 19) Słónkecy (Schlungwitz*), 20) Běle Noslicy (Weissnausslitz), 21) Brězyšćo (Birkerode).